



Bosnia and Herzegovina
Federation of Bosnia and Herzegovina

CANTON SARAJEVO
Institute for Construction of Canton Sarajevo

Broj: 06-45-7035/26
Sarajevo, 14.09.2026. godine

Na osnovu člana 70. Zakona o organizaciji organa uprave u FBiH („Sl. novine FBiH“ br. 35/05), i člana 70. stav (1) i stav (3) Zakona o javnim nabavkama („Sl. glasnik BiH“ br. 39/14, 59/22 i 50/24) nakon provedenog Otvorenog postupka javne nabavke za nabavku radova – Adaptacija stanova u vlasništvu Zavoda za izgradnju Kantona Sarajevo, a na osnovu Preporuke komisije za javne nabavke broj: 06-45-7034/26 od 14.09.2026. godine i Izvještaja Komisije za javnu nabavku, direktor Zavoda za izgradnju Kantona Sarajevo,

d o n o s i :

O D L U K U
o izboru najpovoljnijeg ponuđača

1. U skladu sa članom 64. stav (1) tačka b) Zakona o javnim nabavkama („Službeni glasnik BiH“ broj 39/14, 59/22 i 50/24) ugovor u postupku javne nabavke radova „**Adaptacija stanova u vlasništvu Zavoda za izgradnju Kantona Sarajevo**“ dodjeljuje se ponuđaču **M.D.I. d.o.o. Sarajevo**, s obzirom da je podnio prihvatljivu ponudu sa najnižom cijenom.
2. Sa izabranim ponuđačem iz tačke 1. dispozitiva ove Odluke, zaključit će se okvirni sporazum na period od 1 godinu, za ponuđenu cijenu nakon e-aukcije u iznosu od **380.800,00 KM bez PDV-a**, PDV 17% 64.736,00 KM, odnosno u ukupnom iznosu od 445.536,00 KM sa PDV-om.
3. Ova Odluka objavit će se na web-stranici <http://zik.ks.gov.ba>, Zavoda za izgradnju Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.
4. Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke, zajedno sa Zapisnikom o ocjeni ponuda broj: 06-45-7033/26 od 14.09.2026. godine u skladu sa članom 71. stav (2) Zakona o javnim nabavkama.

O b r a z l o ž e n j e

Na osnovu Odluke o pokretanju postupka javne nabavke broj: 06-45- 6099/26 od 06.08.2026. godine Zavod za izgradnju Kantona Sarajevo je pokrenuo Otvoreni postupak javne nabavke sa najmjerom provođenja e-aukcije, pripremio tendersku dokumentaciju, objavio Obavještenje o nabavci broj: 285-1-3-69-3-25/26 i tendersku dokumentaciju za Otvoreni postupak javne nabavke: **Adaptacija stanova u vlasništvu Zavoda za izgradnju Kantona Sarajevo**-Okvirni sporazum na 1 godinu, na Portalu javnih nabavki u skladu sa članom 53. stav (2) Zakona o javnim nabavkama BiH („Službeni glasnik BiH“ br. 39/14, 59/22 i 50/24) i članom 8. stav (1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki na Portalu javnih nabavki („Službeni glasnik BiH“ br. 80/22).

Javna nabavka „**Adaptacija stanova u vlasništvu Zavoda za izgradnju Kantona Sarajevo**“ oglašena je u „Službenom glasniku BiH“ broj: 61/26 od 21.08. 2026. godine.

Procijenjena vrijednost javne nabavke iznosi: 384.600,00 KM bez PDV-a.

Krajnji rok za prijem ponuda bio je 31.08.2026. godine do 09:00 sati.

Komisija za predmetnu javnu nabavku se sastala dana 31.08. 2026. godine u 09:30 sati, radi preuzimanja i otvaranja ponuda u postupku javne nabavke: **Adaptacija stanova u vlasništvu Zavoda za izgradnju Kantona Sarajevo**.

Komisija za javnu nabavku je utvrdila da su ponude podnijeli sljedeći ponuđači, sa cijenama, kako slijedi:
1.E-Project Group d.o.o. Sarajevo ... 384.576,60 KM bez PDV-a, popust 0,00, ukupno sa popustom bez PDV-a 384.576,60 KM, PDV 17% 0,00, ukupno 384.576,60 KM



2.M.D.I. d.o.o. Sarajevo....385.929,80 KM bez PDV-a, popust: 1%, ukupno sa popustom bez PDV-a 382.070,50 KM, PDV 17% 64.951,98 KM, ukupno sa popustom i PDV-om 447.022,48 KM.

Predsjednik Komisije za javnu nabavku je otvorio ponude navedenih ponuđača i pročitao ponuđene cijene ponuda, dok su uslovi i način plaćanja bili zadati tenderskom dokumentacijom. Ostale dokumente na javnom otvaranju ponuda Komisija nije pregledala.

Na otvaranju ponuda prisutan je bio ovlašteni predstavnik ponuđača **E-Project Group d.o.o. Sarajevo**, gđin. Nihad Karahodžić, što je konstatovano u Zapisniku sa otvaranja ponuda.

Komisija je na zatvorenom sastanku izvršila provjeru računske ispravnosti ponuda.

Komisija je utvrdila da je ponuda ponuđača **E-Project Group d.o.o. Sarajevo** računski tačna.

Pri provjeri računske ispravnosti ponude ponuđača **M.D.I. d.o.o. Sarajevo**, Komisija za javnu nabavku je utvrdila da je navedeni ponuđač napravio računsku grešku prilikom izračuna ukupnih cijena.

Nakon izvršene ispravke ukupnih cijena, Komisija za javnu nabavku je utvrdila da ponuda ponuđača **M.D.I. d.o.o. Sarajevo**, iznosi:

UKUPNA CIJENA BEZ PDV-A	385.883,80 KM
Popust:	1%
UKUPNA CIJENA SA POPUSTOM BEZ PDV-A.....	382.024,96 KM
PDV (17%).....	64.944,24 KM
UKUPNA CIJENA SA POPUSTOM I PDV-OM.....	446.969,21 KM

Komisija za javnu nabavku je konstatovala da je iz navedenog razloga neophodno ponuđaču **M.D.I. d.o.o. Sarajevo** uputiti Zahtjev za prihvatanje ispravke računske greške shodno članu 17. stav (5) Uputstva za pripremu modela tenderske dokumentacije i ponuda, te je dana 02.09.2026.godine putem e-maila ponuđaču **M.D.I. d.o.o. Sarajevo** upućen Zahtjev za prihvatanje ispravke računske greške broj 06-45-6727/26 od 02.09.2026.godine, a kojim je od istog zahtijevano da najkasnije u četvrtak 03.09.2026.godine do 15:30 sati putem e-maila ugovornom organu dostavi potpisanu i ovjerenu Izjavu ponuđača kojom prihvata ispravku računske greške i novu cijenu ponude proizašlu nakon izvršene ispravke računske greške.

Ponuđač **M.D.I. d.o.o. Sarajevo** je u ostavljenom roku, tj. 02.09.2026.godine putem e-maila ugovornom organu dostavio potpisanu i ovjerenu Izjavu od 02.09.2026.godine kojom je prihvatio ispravku računske greške i novu cijenu ponude koja je proizašla nakon izvršene ispravke računske greške.

Komisija za javnu nabavku je na zatvorenom sastanku također utvrdila da su ponuđači **E-Project Group d.o.o. Sarajevo** i **M.D.I. d.o.o. Sarajevo** dostavili ponude u skladu sa zahtjevima iz tenderske dokumentacije i da su ispunili sve uslove iz prava učešća propisane članom 45. do 52. Zakona o javnim nabavkama („Službeni glasnik BiH br.39/14, 59/22 i 50/24), te da su ponude navedenih ponuđača **prihvatljive**.

Tenderskom dokumentacijom je predviđeno da se u predmetnom postupku javne nabavke u skladu sa Pravilnikom o uslovima i načinu korištenja e-aukcije („Službeni glasnik BiH, br.80/23) provede e-aukcija. E-aukcija za predmetni postupak javne nabavke zakazana je za dan 07.09.2026.godine u 10:00 sati i ista je uspješno završena.

Početna rang lista ponuđača koji su pozvani da učestvuju u e-aukciji:

Naziv / ime ponuđača	Ponuđena cijena (bez PDV-a)
----------------------	-----------------------------



1	M.D.I. d.o.o. Sarajevo	382.024,96 KM
2	E-Project Group d.o.o. Sarajevo	384.576,60 KM
3	/	/
4	/	/

Prema rezultatima Izvještaja o toku i završetku e-aukcije sačinjena je konačna rang lista ponuđača koji su sudjelovali u e-aukciji za postupak javne nabavke “ **Adaptacija stanova u vlasništvu Zavoda za izgradnju Kantona Sarajevo** ” (cijene bez PDV-a **nakon** e-aukcije):

Konačna rang lista ponuđača koji su učestvovali u e-aukciji:

Naziv / ime ponuđača		Ponuđena cijena (bez PDV-a)
1	M.D.I. d.o.o. Sarajevo	380.800,00 KM
2	E-Project Group d.o.o. Sarajevo	380.900,00 KM
3	/	/
4	/	/

Nakon izvršene ocjene ponuda i okončane e-aukcije, Komisija daje preporuku Ugovornom organu: Da se u skladu sa članom 64. stav (1) tačka b) Zakona o javnim nabavkama („Službeni glasnik BiH“ br.39/14, 59/22 i 50/24) ugovor u postupku javne nabavke „**Adaptacija stanova u vlasništvu Zavoda za izgradnju Kantona Sarajevo**“, dodijeli ponuđaču **M.D.I d.o.o. Sarajevo**, s obzirom da je u predmetnom postupku ponudio najnižu cijenu prihvatljive ponude.

Sa izabranim ponuđačem iz tačke 1. dispozitiva ove odluke, zaključit će se okvirni sporazum na period od 1 godinu, za ponuđenu cijenu nakon e-aukcije u iznosu od **380.800,00 KM bez PDV-a**, PDV 17 % 64.736,00 KM, odnosno **u ukupnom iznosu od 445.536,00 KM**.

Komisija je sačinila Zapisnik o ocjeni ponuda broj: 06-45-7033/26 od 14.09.2026. godine, koji je sastavni dio ove Odluke i koji se dostavlja svim učesnicima u predmetnom postupku javne nabavke.

Shodno navedenom odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke svaki od ponuđača može izjaviti žalbu Uredu za razmatranje žalbi putem Ugovornog organa. Žalba se izjavljuje u pisanoj formi direktno na Protokol ugovornog organa ili preporučenom poštom, u roku od 10 (deset) dana od dana prijema ove odluke o izboru najpovoljnijeg ponuđača. Žalba se podnosi u najmanje 3 (tri) primjerka. Naknada za pokretanje žalbenog postupka iznosi 5.250,00 KM.



Bosnia and Herzegovina
Federation of Bosnia and Herzegovina
CANTON SARAJEVO
Institute for Construction of Canton Sarajevo

Dokaz o plaćenju naknadi za pokretanje žalbenog postupka u navedenom iznosu na osnovu kojeg se može nesumnjivo utvrditi da je transakcija izvršena i kopija bankovnog izvoda računa sa kojeg je izvršeno plaćanje, obavezno se dostavlja Ugovornom organu, u roku za izjavljivanje žalbe.

Pripremila: Alma Marić, dipl. pravnik

Direktor:
Alma Barlov, dipl.ing.arh.

DOSTAVITI:

1. M.D.I. d.o.o. Sarajevo, putem e-maila: mdidoo@bih.net.ba;
2. E-Project Group d.o.o. Sarajevo, putem e-maila: eprojectgroupdoo@gmail.com;